

洪恩靈濟真君七政星燈儀

法事如式

大道昭昭不言善應小心翼翼有禱必通恭
炷真香虔誠供養

九天金闕明道達德大仙顯靈濟濟微洞

玄冲虛妙感慈惠護國庇民洪恩真君

九天玉闕宣化扶教上仙昭靈博濟高明弘

靜冲湛妙應仁惠輔國佑民洪恩真君

靈濟宮中神仙諸靈官普同供養

恭聞龍漢開圖而玄元始之炁分靈極初化

而天地人之位定夫人也大道難遇中土難

生况抱以陽負以陰四肢既正必貴其形保

其命萬氣長存惟恐老死病苦之為憂各以

長大美好而自悅人有所欲天無私親何賜

也富而憲也貧何彭之壽而頹之夭母誘之

教蓋求諸身爾時靈濟真君遊宴玉清聖境

熙帝之載則天之明作大因緣為衆演說五

辰我撫或盈或縮之不常雨暉我經一暑一

寒之有序順之則為吉隆之喜逆之則為凶

危之憂惟至誠可以感神故積善必有餘慶

洪恩靈濟真君七政星燈儀

既沐照臨之下敢忘酬謝之私今辰謹有奉
道者恭啓靈壇具陳菲供依元陽之玉曆行
香誦經按靈寶之金科修齋奉戒發明章典
然照神燈仰觀經緯之文遐想瓊衡之象蘭
炷爇火見其盛未見其微誠益盛膏見其增

未見其滅上照三十二天光明廓落下使百

千萬人瞻仰皈依衆善自尤中生衆惡自尤

中滅一作禮而再作禮精意感乎初上香至

三上香玉音嘹亮仰惟洞鑿俯賜恩光更真

三界齊臨萬神恭諾凶星退舍在四時則無

害無災吉曜臨軒錫五福以曰富曰壽稽首

皈依

至真妙道德光常曜天尊

且法衆等志心皈命

九天金闕明道達德大仙顯靈濟濟微洞

玄冲虛妙感慈惠護國庇民洪恩真君

九天玉闕宣化扶教上仙昭靈博濟高明弘

靜冲湛妙應仁惠輔國佑民洪恩真君

靈濟宮中神仙諸靈官謹然瓊衡七政神燈

上布日曜太陽之象

恭聞道在太極之始莫見乎隱莫顯乎微日
者東陽所宗無願不成無幽不察莫測其妙
所存者神赫赫厥靈人可畏之如趙盾明明
在上民皆仰之若周公輝光其德威矣乎紫
白其節皎如也烏輪爾備朝覲鬱儀之官裁

駕莊嚴無享洞陽之殿放出亮光萬大普照

世界三千入吾門也無葭屋之疑連吾道也

滅索塗之病伏念一切衆生塵埃汨沒徒窮

逐影之勞電露虛華惟有過隙之歎自今反

照與道常明伏願中為市者獲行商坐賈之

財出而作之安耕田鑿井之業藝之巧者以

圭測影工之勤者繼晷焚膏為儒者賦詩五

色文章入仕者名號八碑學士桑榆殘照爭

同松柏以長青螢燐增輝願與昆蟲而被澤

少瑒葵頌之敬願垂藻鑑之光請法衆等敬

依太上所說太陽帝君神呪稽首皈依虔誠

讚誦

志心皈命信禮

九天金闕明道達德大仙顯靈濟濟微洞

玄冲虛妙感慈惠護國庇民洪恩真君

志心皈命信禮

九天玉闕宣化扶教上仙昭靈博濟高明弘

靜冲湛妙應仁惠輔國佑民洪恩真君

咒捨午文吸午氣遙想洞陽鬱儀宮真君
如在

東望扶桑宮 稽首朝鬱儀 太陽洞明景

家寧何所思 令我拜金色 候天聖英姿

皇華將玉女 臨軒降此時

和願此燈先回向真君

散花

大明圓極天尊

臣法衆等志心皈命

九天金闕明道達德大仙顯靈博濟清微洞

玄冲虛妙感慈惠護國庇民洪恩真君

九天玉闕宣化扶教上仙昭靈博濟高明弘

靜冲湛妙應仁惠輔國佑民洪恩真君

靈濟宮中神仙諸靈官謹然璣衡七政神燈

上布月曜太陰之身

恭聞祖氣在太空之中無色無緒月兔泛十
華之彩有性有情經於其而起風離於畢而

作兩天之工也神而明之步蟾宮八萬三千

門清光可挹眺鶴臺一千五百載聖迹猶存

劉越石之却虜園果速登樓之與曹孟德之

成霸業何妨鼓瑟而歌或淪精而披漢之符

或委照而應吳之瑞其名清亮厥績彰明伏

念一切衆生穴影偷光塵籠養晦將長護短

豈無玷缺之愆文過飾非未免朦朧之罪謹

雷昭謝幸觀光明伏願鴻集澤中安有鳥飛

之恐雞鳴境內永無牛喘之憂捷免藥者可

以長生採蚌珠者可以獲富入仕者早中婦

娥之選定婚者果符老人之言瑤光現而孕

產佳兒玉斧修而工精藝巧拱埃絨阿而按

聚自慚太白之舉杯請法衆等謹依太上所

說太陰皇君神呪稽首皈依虔誠讚詠

志心皈命信禮

九天金闕明道達德大仙顯靈博濟清微洞

玄冲虛妙感慈惠護國庇民洪恩真君

志心皈命信禮

九天玉闕宣化扶教上仙昭靈博濟高明弘

靜冲湛妙應仁惠輔國佑民洪恩真君

元捨未文吸未氣想洞陰結璘之宮真君
如在

仰望顧八表 惟月孕陰精 中有太素皇

夫人駕綠軒 耀華光二極 混明照三清

殷勤求至道 五色下來迎

和願此燈先回向真君

散花

圓鑿洞照天尊

臣法衆等志心皈命

九天金闕明道達德大仙顯靈博濟清微洞

玄冲虛妙感慈惠護國庇民洪恩真君

九天玉闕宣化扶教上仙昭靈博濟高明弘

靜冲湛妙應仁惠輔國佑民洪恩真君

靈濟宮中神仙諸靈官謹然璣衡七政神燈

上布東方木德歲星之象

恭聞道心惟一昏昏嚶嚶以難名木神則仁

化化生生之爲妙在時爲春而春風長養於

德爲元而元氣胚胎均蒙扶植之功猶賴剗

裁之力高山仰止易地皆然謝石得之以顯

八公之靈周公得之以釋金滕之謗調海用

說則夢求諸野採桑得尹則神降於華功卓
立於一時名流芳於萬世伏念一切眾生守
林安分托蔭過情雖樛樛之才樾嘗無文然
杞柳其性杯椽可用從繩則正非矩不成伏
願能官者域樸其章聽訟者甘棠其政觀橋

梓之道而父慈子孝歌華萼之詩而兄友弟
恭生子願為聖小兒挺挺五枝之桂結文頹
作忘年友森森千歲之松桃灼其華宜其家
宜其室果秋以薦尊爾祖敬爾宗少仲宣氣
之儀非擬煇榮之典請法眾等敬依太上所
說木德星君神呪稽首皈依虔誠讚詠
志心皈依信禮

九天金闕明道達德大仙顯靈溥濟清微洞
玄冲虛妙感慈惠護國庇民洪恩真君
志心皈依信禮

九天玉闕宣化扶教上仙昭靈溥濟高明弘
靜冲湛妙應仁惠輔國佑民洪恩真君

真君如在
歲星乘木德 展轉耀東鄉 涉天姿潤澤

正色深明皇 粵花歌清漾 擲水諫芝房
經時頻倚禮 獲福自然長
和願此燈光 回向真君

妙智圓明天尊 散花

巨法眾等志心皈命

九天金闕明道達德大仙顯靈溥濟清微洞

玄冲虛妙感慈惠護國庇民洪恩真君

九天玉闕宣化扶教上仙昭靈溥濟高明弘

靜冲湛妙應仁惠輔國佑民洪恩真君

靈濟宮中神仙諸靈官謹然機衡七政神燈

上布南方火德熒惑星之象

恭聞火乘南方之德炎帝行權神為東海之

君真人錫號玉精鑄魄金液煉形學參方外

之書善似光中之影隨機應化發誓度人孳

塗炭之民而置諸衽席之安憫焦熬之俗而

轉為謳歌之樂以勞定國則流烏呈瑞捍難

禦災則回祿反風聲迹熒煌威靈烜赫伏念

一切眾生慈心未滅道學不明其徇勢則未

免阿佞以趨炎其措謀則宜敢險奸而煽毒

揚湯止沸何其愚也收爐之餘不幾晚乎幸
曲突徙薪猶有豫防之戒然紅爐點雪會知
解悟之機憂甚如薰誰能執熱曾謂燎原而
可撲豈宜與玉以俱焚伏願我干戈永絕
狼烽之警救民疾苦何勞艾炙之功烹炊者

得養其生熬爨者各安其業惟天鑒于一德
故曰誠則明明則誠作善降之百祥俾爾熾
而昌昌而熾心香一炷可通於碧落神光三
燭載顯於靈壇請法眾等敬依太上所說火
德星君神呪稽首皈依虔誠讚詠

志心皈命信禮

九天金闕明道達德大仙顯靈溥濟清微洞

玄冲虛妙感慈惠護國庇民洪恩真君

志心皈命信禮

九天玉闕宣化扶教上仙昭靈溥濟高明弘

靜冲湛妙應仁惠輔國佑民洪恩真君

真君如在
况捨卯戌文取卯戌氣想朱陵火煉之宮

真君如在

芒角生龍鳳 威光叱十方 丹剛耀五夜
朱火焰三邊 晶明符正氣 劍戟煥兵權

挽揜應激述 李學政當前
和願此燈光回向真君

散花

智炬赫奕天尊

臣法衆等志心皈命

九天金闕明道達德大仙顯靈溥濟清微洞

玄冲虛妙感慈惠護國庇民洪恩真君

九天玉闕宣化扶教上仙昭靈博濟高明弘

靜冲湛妙應仁惠輔國佑民洪恩真君

靈濟官中神仙諸靈官謹然璣衛七政神燈

上布西方金德太白之象

恭聞金孕太白之清西方有象神位上清之

列北斗化形文章久著於天台源派其來於

麗水歌詩雅頌有鏗鏘之美勒銘鐘鼎負剛

介之才李少君因此以成丹商傳說用之而

作礪其爲寶也誠可貴其爲器也寧可輕仰

之彌高鎖之彌堅然有條渾然有理伏念

一切衆生四知有愧素欬鈔揚震之賢三致無

能空羨陶朱之富過自今而滿改誠有賴於

陶鎔伏願經果不焚喜得滿贏之教文如未

長猶聞擲地之聲言可行名可言楚人之諾
皆如李布聖希天賢希聖孔子之錚錚特頌
回愧無鴻寶之陳略具彝樽之獻請法衆等
敬依太上所說金德星君神呪稽首皈依虔
誠讚詠

誠讚詠

志心皈依信禮

九天金闕明道達德大仙顯靈溥濟清微洞

玄冲虛妙感慈惠護國庇民洪恩真君

志心皈依信禮

九天玉闕宣化扶教上仙昭靈博濟高明弘

靜冲湛妙應仁惠輔國佑民洪恩真君

靈濟官中神仙諸靈官謹然璣衛七政神燈

上布西方金德太白之象

恭聞金孕太白之清西方有象神位上清之

列北斗化形文章久著於天台源派其來於

麗水歌詩雅頌有鏗鏘之美勒銘鐘鼎負剛

介之才李少君因此以成丹商傳說用之而

作礪其爲寶也誠可貴其爲器也寧可輕仰

之彌高鎖之彌堅然有條渾然有理伏念

一切衆生四知有愧素欬鈔揚震之賢三致無

能空羨陶朱之富過自今而滿改誠有賴於

陶鎔伏願經果不焚喜得滿贏之教文如未

明真養暗天尊

臣法衆等志心皈命

九天金闕明道達德大仙顯靈溥濟清微洞

玄冲虛妙感慈惠護國庇民洪恩真君

九天玉闕宣化扶教上仙昭靈博濟高明弘

靜冲湛妙應仁惠輔國佑民洪恩真君

靈濟官中神仙諸靈官謹然璣衛七政神燈

上布北方水德辰星之象

恭聞水之神故曰玄冥其源也深其流也遠

神如水之在地下何所不至何往不通滂蕩

乎吾無能名淵淵乎誠不可測言其仁則魚

鱉得其所言其威則蛟龍神其靈飛沙怒濤

曾顯三山之夢與雲致雨具瞻四瀆之祠水

波滂沱王霸之言何其神也雪平淮蔡李愬

之功豈非天乎均蒙潤下之仁敢有朝東之

請伏念一切衆生監泉止渴何馨養之不才

濁涓常流使穢汚而自臭謹當洗濯毋即悞

淫伏願官府昇平珠果遠於合浦人才泰長

舟可濟於巨川洋林之桑蒸而鐵乃登漢池

之劔賞而牛可畜財利之源淵積既庶何加

又曰富之子孫之派流長盛德之後必有興

者恩波洋溢福海弘深少伸行潦之儀深愧

踏泮之陋請法衆等敬依太上所說水德星
君神呪稽首皈依虔誠讚詠

志心皈依信禮

九天金闕明道達德大仙顯靈博濟清微洞

玄冲虛妙感慈惠護國庇民洪恩真君

志心皈依信禮

九天玉闕宣化扶教上仙昭靈博濟高明弘

靜冲湛妙應仁惠輔國佑民洪恩真君

呪檢已中文取已中氣想玄靈大德之宮

真君如在

妙哉符五氣 髮髮見真門 差我當丑位

士癸洞靈君 分輝凝皎潔 躬贊赴恩存

仙歌將舞道 良久下金天

和願此燈光回向真君

散花

龍德普照天尊

臣法衆等志心皈依

九天金闕明道達德大仙顯靈博濟清微洞

玄冲虛妙感慈惠護國庇民洪恩真君

九天玉闕宣化扶教上仙昭靈博濟高明弘

靜冲湛妙應仁惠輔國佑民洪恩真君

靈濟宮中神仙諸靈官謹焚香七政神燈

上布中央土德銀星之象

恭聞社而祭土配地之宜神之為德合天之

道石文薦瑞陰克相於唐家野塊呈祥神有

扶於音室泰如得蜀則褒谷之妖不足為怪

劉既吞桓則鮮早之夢夫豈偶然宗孝子以

此葬父而顯陰功鐵輪王以此施佛而成因

果洪規之船可以借重盧江德政萬古流傳

雷煥之劍可以增光華陰聖迹千年如在以

沙濟酒曾投高府君瘵病之方取塵為圓膏

得為仙翁活人之劑以黃尚德有赫厥靈伏

念一切衆生穴蟻偷生壁蟲守拙惡多善少

豈無一贊之虧彰往知來未免百昌之托靖

惟冀壤無所用也或者泥塗其可棄乎從今

正道以由行敢不立墻而起敬伏願華嚴儲

精為士者生而穎悟黃金同價為商者富而

質遷境藝精而工食其功膏脉動而農力於

穡編鐘擊磬略陳梓鼓之儀酌水獻花愧乏

青藜之貢請法衆等敬依太上所說土德星

君神呪稽首皈依虔誠讚詠

志心皈依信禮

九天金闕明道達德大仙顯靈博濟清微洞

玄冲虛妙感慈惠護國庇民洪恩真君

志心皈依信禮

九天玉闕宣化扶教上仙昭靈博濟高明弘

靜冲湛妙應仁惠輔國佑民洪恩真君

呪檢子丑文取子丑氣想黃中元氣之宮

真君如在

高宮符戊己 藏陸起重霄 五行專暗曜

九土見光昭 甘石推留伏 陶瓦算坎家

上仙垂雨露 伏地禮空談

和願此燈光回向真君

散花

靈光炳曜天尊

誦誦經呪

上來然燈功德並已同圓恭聞觀天文而察

人事可以前知修人事以應天文吉無不利

須仗神燈而照照特憑科典以宣揚回向真

君仰祈景照自今已後丕闡厥靈伏願星聚

於奎再觀文明之治光合於壁復還淳古之
風上體天心下孚民望更莫然燈之後五星
順度兩曜增輝寒暑不愆躋兆民於仁壽雨
暘時若析百穀之豐登蠢動含靈咸資化育
仰惠法象為上良緣念

三清三境天尊 九天錫慶天尊
十方靈寶天尊 不可思議功德

○洪恩靈濟真君七政星燈儀

洪恩靈濟真君事實

壹十

御製靈濟宮碑

朕惟自古英賢生為名臣著比民之功沒
為明神贊天地之化鼓動流靈行平兩間
以隆福斯民禦災捍患歛枯吹生灌漑洋

洋如在其上如在其左右者非智慮所可
得而測也詩曰神之格思不可度思矧可
射思其此之謂歟惟

九天金闕明道達德大仙顯靈濟真人江

王

○九天王闕宣化扶教上仙昭靈博濟真人饒

王其功德充溢蓋若是已神南唐之宵生
有民社之勳沒錄仙班之籍伯仲齊美華
尊職芳頌職

上天耀靈下土呼吸感應電邁風行下民是

胃父母其依慈祥仁愛物類以寧乃者朕
躬弗豫用藥百計罔底于效神默運精靈
緝衛朕躬頃刻弗違隨叩隨應屢顯明徵
施以靈符天醫妙藥使殆而復安仆而復
起有回生之功恩惠博矣盛矣朕揆德涼

薄何由獲壽永懷神德焉其能忘海濱嶽
竣其焉有極蓋有功必報國之恒典走用
祝冊加封神號伯曰清微洞玄沖虛妙感
慈惠護國庇民洪恩真君仲曰高明弘靜
沖湛妙應仁惠輔國祐民洪恩真君舊號

俱如故大新廟宇允奕軒豁稱神所獲爰
勅有司虔潔香火春秋祭祀歲易時衣給
灑掃五戶表朕惻愍答神鴻休雖然神功
之厚而報資之薄神固無責於報否在朕
心有不能已矣夫天地之德曰生神體天

○地之道弼亮化機出幽入明翕張歛忽遊
遊太清監觀四方濟利群生功在霄壤昭
昭若此固有不可得而名言者乃彰神績
勅于貞石樹之于廟垂示無窮并系以詩

曰
天產英靈為世傑 出入幽明猶一覲
生著勳勞保瓊粵 沒為明神崇偉烈
芒芒海甸倚芭樨 雨暘寒燠調以劑
冬無凌兢夏無暘 沴氣遠殄靡颺颺
下徐高黍歲穰秣 驅拂不祥走祲孽

天產英靈為世傑 出入幽明猶一覲
生著勳勞保瓊粵 沒為明神崇偉烈
芒芒海甸倚芭樨 雨暘寒燠調以劑
冬無凌兢夏無暘 沴氣遠殄靡颺颺
下徐高黍歲穰秣 驅拂不祥走祲孽